


安遠縣志



重修安遠縣志序

間嘗俯仰古今流覽載籍見夫邑之志乘與國之史冊同焉史在國編年紀月書文既昭垂於不朽志在邑土地人民政事尤記載以靡遺余自江右宦遊篆權五邑每緣舊志藉作官箴迨履任濂江志書具在公餘披覽殫見洽聞夷考其始則自有明隆慶間迄我

朝

道光二年凡七易而纂修之猗興盛矣第運會無數傳不變制作以歷久增新近今五十年來人事紛更民風易尚寇賊屢經蹂躪地方半屬彫殘昔是今非每與都人士議修志策卒不果行現奉

劉中丞修通省志頒發規條飭各屬籌修縣志繕稿呈核發刊爰商請丁琢奔陳璞園兩學博主修並派孝廉唐輝組選拔貢

歐陽鐸暨各紳耆或分修或校對或採訪
事蹟或籌畫費需余雖不敏相與討論乎
典章稽求乎宜異斟酌損益無濫無遺原
志分為三十二卷今遵新章提綱十分為
五十四目正擬稿呈省局詎經移署泉江
所賴兩學博以馬鄭聲華秉褚房直筆在
事紳董公正勤明速成厥事誠盛舉也且
夫志與史同而異在國曰史在邑曰志安

恩膏今

天子御極之十年

文教昌明薰陶樂育惟願邑之人爭自豎立勉

為善良上登風俗成書光我

國家史乘余愧未歲事猶幸此志重修乾隆

庚午道光壬午今續修於同治庚午前後
百餘年不謀而適合也是為序

同治十年 月

賜進

士出身同知銜調署龍泉縣知安遠縣事

古滇黃瑞圖謹撰

重修安遠縣志序

萬物莫不相見乎離者
明也王者嚮明而治知不
徧物急所先務則志乘綦
要何也普天王土率土王
臣其地輿有鼎草人民有

安遠縣志

卷首

丁序

萃渙政事有益損一一闕
乎氣教悉採入志而邑志
職其詳通志職其要次第
成帙以儲

國史館之選輯焉

聖天子新服厥命重明麗正乃

化成天下櫟槍埽鈎鈐明
凡邾邑之土地人民政事
煥乎新氣象已

方伯大中丞劉精心輔治
修禮樂巡簡閱並檄西江
修通志先札府屬編邑象

照舊及通盡利頒發新
式離二爻曰黃離元吉得
中道也其在斯與虔南居
江右上游安遠東南山縣
也建自梁廢於隋復於唐
盛於宋歷元及明截長補

昭代

短萬歷間地籍甫定前此
板蕩文獻無徵搢紳先生
難言之嗣又紹甘公創志
聲教四訖踵而修者七惟
乾隆庚午董侯重修主纂
學博劉協理邑紳何等精

安遠縣志

卷首

一序

三

核前志縷晰條分懿鏢哉
文明以止應離四友為賁
觀天又以察友觀人文以
化成也道光壬午續修於
邑侯黃竊以意象午為離
位於緝熙明兩作離大人

以總明照於四方也今歲
週庚午雲卿黃明府奉
檄載修札余與樸園陳寅
長延警凡歐陽明經事事
烏犂稿於陽月更以教象
午屬離為陽粲乎隱三

陽開泰也黃邑侯調篆文
若党侯署任鑒稿夫二公
蜚聲雁塔秉筆麟經陳同
甫學富寸敏歐陽子明經
拔萃均擅寸學識三長也
則凜筆削慎著作闡名節

休明

樹風聲壹是採訪籌備偕
都多士和衷濟美無忌無
猜聿新氣象於土地人民
政事以應

余耄荒無能為役廁名其
間聊贅語而附驥弗顧笑

乎續貂怪玩履錯之敬以
遊咎耳能六於離占吉五
及類辨同人得免嗟於大
羞而鼓缶歆歌且卜休上
及見斗豐蔀幸近光於日
中而扶筇親似是為序

同治九年歲在庚午

恩進士晉中書科中書銜

特授安遠縣儒學教諭儘先陞

用教授

覃恩加五級七十七叟薌溪丁珮

誤

重修安遠縣志序

天下事肇所本無則難因所固
有則易而說者曰世異變成功
大其故何哉人情莫不憚始而
樂成然至紐於故習苟簡因循
驟難以發皇其耳目則因與創
勞正相等故事機之成審乎時
尤必視乎人我

安遠縣志

卷首

原序

國家

聖聖相承

文德武功洋溢方外幅幘之廣亘古未
聞乃地大萌蘖有如頃年西匪

之變蹂躪幾遍宇內蔓延且十
餘載

皇上震電憑怒赫然中興命將出師
掃蕩擴清如振落葉見者徒覲
揚於撥亂之大烈以為

天威神武非人力所能致而不知

列聖恩德洽人之深雖遐陬僻壤其固
結興起如是之捷且至也安邑
地據江右上游綰鎖閩粵之交
賊往來數過危城斗大屹然山
立一時人才之奮興忠孝節義
之慷慨激發較他邑為最著斯

豈非載筆者所當急為纂修哉
余不敏於丁卯春東鐸來濂查
閱舊志創始於前明甘公至
國朝道光壬午續修者八類皆網
舉目張彬彬可考今且五十餘
年矣思與衆紳士商及之而未

遑也適庚午歲

安遠縣志

卷首

陳序

三

劉大中丞創修合省通志頒發
體例檄各屬縣繕立稿本以次
上郡省局余不覺躍然起曰此
非續修時乎而雲卿黃明府亦
遂引為己責會諸紳設局捐貲

分別條款各肩厥任因屬稿於歐陽君警凡而余與寅長丁君亦得時參末議焉竊見其採訪之勤劬集費之艱苦尚囿於聞見之難周僅據其徵信確實者登諸紀載無者闕略者詳慎重

之意庶幾乎前志雖不敢謂全然美備然使後之人猶得徵文考獻以為依據則是書之成謂非會逢其時與提倡之得其人哉難乎否乎余不得而知之矣方今

聖天子謨烈光昭聲教暨訖薄海內
外罔不震動恪恭修舉廢墜以
黼黻

皇猷

則所謂干城之選楨幹之良材
將必有應運而生大書特書屢
書不一書者余且拭目俟之矣

安遠縣志

卷首

陳序

五

是為序

同治十一年歲次壬申仲秋月
歲進士

勅授修職郎

欽加光祿寺署正銜任安遠縣訓導

橫水陳世瑞謹撰

重修安遠縣志序

安遠之志前修於道光壬午迄
今又越五十年矣風氣每十年
而一變積而至於五十年則風
俗之轉移人事之及遷固不
問而可知况屢經兵燹蹂躪

殘害更有目不忍觀之處是五
十年中昔無而今有者固多昔
盛而今衰者正復不少欲徵之
文而又已散佚矣以考之獻而
獻亦僅有存者不急修之又何
以免所見異詞所聞異詞所傳

聞又異詞之憾乃適逢其會歲
庚午

撫憲劉大中丞纂修江西通志
檄飭各府州縣一體修輯
黃邑侯雲卿留心政治尤惓惓
以續修邑乘為急務即延

安遠縣志

卷首

歐陽序

二

丁陳兩學博專董其事並命鐸
贊襄其間鐸不敏何堪當此
重任固辭不獲惟與局中諸
公時相商確遍為搜訪恪遵
上憲新頒條例較對舊志有
者續之無者增之當仍者仍